

欽定大清會典事例

欽定大清會典事例卷二百六十四

戶部

俸餉

官員借養廉修署兵丁借餉修營房  
官兵借項 官役工食

官員借養廉修署兵丁借餉修營房○乾隆三

十年

諭。各省官員衙署為辦公之所。莅事親民。觀瞻攸繫。豈可任其歲久傾圮。不加修葺。著各該督撫就該省情形。通盤籌畫。除現在完整。並近年動項建蓋者。仍令自行黏補外。其實係年久坍塌。必須購料修理者。准予借動閒款。各按舊制酌量興修。計其歲入養廉。分

年扣還。俾公私均有裨益。欽此。遵

旨議定。道府州縣丞倅等官。修理衙署。准其借動閒款銀兩。道府不得過一千五百兩。州縣丞倅不得過一千兩。首領佐雜不得過二百兩。道府州縣限三年。丞倅佐雜限四年。於應得養廉銀內扣還。○三十一年議准。佐雜等官。借修衙署銀兩。分作八年扣還。○三十四年奏准。直省駐防兵丁房屋。實係倒塌不堪棲止者。借銀修理。若止屋瓦滲漏。牆垣剝落者。不得濫借。○三十八年議准。貴州學政衙署坍塌。照道府衙署之例。借

項修理。凡直省學政衙署。應行修葺者。一體遵辦。○四十一年。奏准。官員修理衙署。正任及題署咨署之員。照定例借予。其暫行委署人員。概不得借。至正任人員。或有業已詳請。續經差委等事。尚未領銀興修者。將所借銀兩。存俟正任回署。及接任人員到署之日。再行興修。不得以正任既已出詳。令暫署之員領辦。○四十二年。議准。浙江省杭州。乍浦。二處駐防官員。官房坍塌。照地方官例。按品借給。協領不得過二百四十兩。佐領不得過二百兩。防禦不得過一百六

十兩。驍騎校不得過一百二十兩。筆帖式不得過八十兩。在應得俸餉內。作為八年扣還。如前借未完。不得再借。各省駐防官員。一體遵辦。○四十三年。奏准。西安滿營。向於存儲馬價銀內。提出二萬兩。借給官兵各項差使。並修理衙署之用。嗣後官員所住房屋。如有破壞。應修補者。仍於接濟官項內借給。分年扣還。僅有倒塌。應拆蓋者。確估咨部。借項修理。照依定限扣還。○又奏准。江甯京口二處。駐防官屋。損壞不至過甚。零星修補者。照所定銀數。於四分之中借給。

一分限四年歸還。○又議准。綠營武職銜署。遇有坍塌。照文員之例。借銀修理。於應得養廉內扣還。除千總把總俸廉較少。動用留半養廉。毋庸支借外。副將參將不得過八百兩。分作六年扣還。遊擊不得過六百兩。分作七年扣還。都司不得過二百兩。守備不得過一百六十兩。分作八年扣還。委署之員。不得借給。○四十四年議准。廣西省苗疆煙瘴。佐雜等缺。凡三年撤回內地者。該員到任一年內。准請修署。在任三年候升者。到任二年內。准請修理。在任五年候升者。

到任三年內。准請修理。如逾年限。即不准借。嗣後凡丞倅州縣等官。及貴州。四川。雲南。廣東。福建。湖廣等省。凡屬苗疆煙瘴之缺。似此三年撤回內地。及三年五年在任候升者。照此辦理。○四十八年覆准。文職佐雜官添建衙署。在閒款項內借銀三百兩。自領銀一月後。於應得養廉內。分作八年扣還歸款。○又議准。直省綠營武職。借項修葺。均於空缺扣半養廉銀內動支。千總不得過一百兩。把總不得過八十兩。○又議准。衛守備衙署。如遇坍塌。照州縣之例。一體借

修分限扣還。○四十九年奏准。山西省綏遠城右衛二處駐防兵丁。修葺營房。於耗羨銀內。每名各借一年餉銀。分作八年扣還。○又議准。直省道府以下各官借支養廉。修理衙署。無論銀數多寡。概於領銀一月後起扣。逾限未完。即行查叅。○五十年議准。武職借項修署。甘肅省。先儘留半養廉。如有不敷。於朋合銀內動支。陝西省。於八旗原估支贍並巡撫衙門筆帖式原估支贍等款內動支。湖南湖北二省。於留半養廉及空曠銀內動支。○又議准。山西省綏遠城右



衛二處駐防官兵。遇有零星修理。所借銀數。在二千兩以內者。照舊咨報查辦。如在二千兩以上者。隨時奏明辦理。○五十一年議准。湖北省荆州駐防兵丁。如遇房屋坍塌。前鋒領催馬甲各借銀四十兩。礮手匠役養育兵步甲各借銀二十兩。如有升遷事故。在挑補之人名下。接扣歸款。○五十二年議准。甘肅省甯夏駐防兵丁。住房坍塌。借給一年餉銀。分作八年扣還。如有升遷事故。照例接扣歸款。○五十四年覆准。駐防恩騎尉官房坍塌。照九品筆帖式之例。借給

銀八十兩。分作八年扣還。○五十六年覆准。四川新疆武職等官添建衙署。如係創始建造。照綠營武職之例。在司庫扣存留半養廉銀內開銷。其多支銀兩。照文職佐雜等官之例。分作八年。在該員及接任官名下遞扣清款。○又議准。四川省成都駐防協領以下官員衙署損壞。如藩庫無款可動。在鹽茶耗羨銀內借支。仍分作八年扣還。○六十年覆准。浙江省乍浦駐防兵丁。借項修理營房。於公濟庫內。每兵借銀八兩。分作二年扣還。○嘉慶十九年

諭和甯奏總管請借俸銀買置公寓一摺。該總管等督率官兵護守。

陵山例應就近居住。便於稽察。因向無隨缺官房。均出賃租賃民房當差。未免拮据。著加恩准其照盛京副都統侍郎借款置房之例。

福陵

昭陵總管二員。各借給四年俸銀五百四十兩。置買住房。作為隨缺官房。所借銀兩。即由盛京戶部庫貯漫餘項下動支。分限二十年。在現任及後任總管名下俸銀內。按照住房年月。扣完歸款。○二十三年奏准。

廣東省廣州駐防兵房年久朽壞。每房一間。借銀八兩。在該兵丁應得餉銀內。分作八年扣清歸款。○二十五年奏准。粵省濱臨海洋。土性鹹潮。木植易朽。現在武職衙署。應加修理者較多。若一概動支空缺留半養廉。不特本款不敷。且與駐防員弁借項修理之例。未為畫一。請於颶風大水損壞。猝不及防者。仍由文員照例勘估。動項興修外。其餘年例應修衙署。俱仍照舊例。按官階大小。借銀修葺。分年扣廉歸款。○道光三年奏准。河南省修理駐防滿營兵丁官房。於

司庫歲修惠濟河銀內。賞借一年錢糧銀二萬  
四百兩。自道光四年為始。分作八年。在各兵應  
得錢糧內扣還。其不敷銀六千三百七十餘兩。  
由該兵丁等自行補足。○光緒五年奏准。浙江  
省杭州駐防衙署兵房。年久坍塌。籌款借給修  
理。在各官兵應支俸餉內。按月按次。分別扣還。  
○十三年奏准。浙江省杭州駐防衙署兵房地  
近西湖。低窪潮溼。柱木朽壞。不堪棲止。借銀五  
萬六千一百九十二兩修理。在俸餉內。分作八  
年扣還歸款。

官兵借項○乾隆三十四年

諭各省兵丁。遇有官差事件。將如何借給官項。以資生理之處。著軍機大臣會同該部議奏。欽此。遵

旨議定。各處駐防官兵。凡有因公差遣。及勢不得已之事。各准請借官項。於所領俸餉內。按月扣還。免其起息。於承借之日起限二年扣結。若積至三年不能扣結者。不得再借。償還白事。仍准借給。其有去官退甲。原借之項。無可扣還者。官於各官俸銀內攤扣。兵於各兵餉銀內攤扣。歲底該管官將出借扣回各數。造冊報部。又官兵紅白

事件。白事。如祖父母父母妻室于媳之事。紅事。如娶妻嫁女娶媳之事。各准請借銀兩。若係旁支。不得支借。如祖孫父子。皆在應借之列者。止准就一人請借。不得兼請。○四十三年奏准。江南省提標中左右前後松江城守金山柘林青村南匯。川沙劉河等十二營。每年青黃不接之時。於節年存贖餘息銀內。每名借給銀二兩。於各兵應得餉銀內。按月扣還。○又議准。湖北省荆州駐防滿兵。買補倒斃馬匹。向例每匹借銀八兩。現在荆州地方馬價。每匹十四五六兩不

等例借銀兩。實屬不敷。准借銀一十二兩。分作三十箇月扣還。借過三次。未經扣還。不准再借之例。亦應量為變通。如有扣還過三分之一者。仍再酌借。○四十四年奏准。熱河駐防官兵紅白事件。俱有賞借並

恩賞銀兩。密雲縣亦照熱河之例辦理。官員紅白事件。於耗羨銀內借支。協領銀四十兩。佐領三十兩。防禦二十五兩。驍騎校二十兩。分作二年扣完。兵丁紅白事件。

恩賞外。仍於耗羨銀內借給。前鋒領催銀八兩。馬甲



六兩。養育兵四兩。亦作二年扣完。○又議准。甘肅省甯夏駐防官兵差費。原定借項。不敷支用。至近處出差。並無借項。嗣後於甯夏廠地新增租銀及官房租錢內借給。以資津貼。○又覆准。四川省成都滿營出師陣亡官員。議廕雲騎尉等世職。其雲騎尉紅白事件。照綏遠城駐防雲騎尉一體借銀二十五兩。其廕監生紅白事件。亦照綏遠城河南杭州等處恩騎尉一體借銀二十兩。其年未及歲食半俸之半雲騎尉。遇有紅白事件。按雲騎尉應借分例。酌借四分之一。

○五十一年覆准。各營兵丁。請借接濟銀兩。凡有前借未清。復請借支者。不得於未奉部覆之前。先行給領。以昭慎重。○五十四年覆准。陝西省西安駐防官兵。因公借項。除紅白事件。及修理衙署房間。所借銀數較多者。仍照例限二年扣還。其演礮。牧馬。補製軍器。演習馬圍。及因公出差所借銀兩。官員自四兩八錢至八兩者。作為一年扣還。自二兩四錢至三兩七錢五分者。作為半年扣還。兵丁自一兩五錢至四兩者。作為一年扣還。自一兩以下者。作為半年扣還。俾

得及早清款。○嘉慶六年議准。直隸省宣化鎮。山西省大同鎮。派往烏里雅蘇台並科布多二處。換防屯田官兵。參將借銀三百兩。遊擊二百兩。守備一百兩。千總六十兩。把總四十兩。外委馬步兵丁一十兩。於口北道庫軍需銀內支給。起程後。在官兵應得俸餉內。分作六季扣還歸款。○道光七年覆准。福建省漳州鎮標。中營額存穀價銀九百九十五兩一錢六分三釐。左營額存穀價銀九百九十五兩六錢七分三釐。右營額存穀價銀九百六十五兩二錢六分六釐。

漳州城守營額存穀價銀九百三十七兩八錢  
四釐。平和營額存穀價銀八百三十二兩一錢  
七分三釐。龍巖營額存穀價銀八百三十二兩  
一錢七分四釐。雲霄營額存穀價銀七百七十  
四兩三錢六分四釐。詔安營額存穀價銀八百  
九十四兩五錢七分九釐。同安營額存穀價銀  
八百二十一兩七錢七分七釐。每年青黃不接  
之時。借給各兵。俟秋冬二季。於餉銀內照數扣  
收。仍於出借扣還時。報部查覈。○十年奏准。土  
爾扈特汗策登多爾濟挑選精壯阿勒巴圖一

千名。和碩特貝子車丹多爾濟揀選二百名。前赴喀什噶爾救援。馬兵每名借給銀十兩。步守兵每名借給銀六兩。官弁每員借給盤費銀兩。並支給路行鹽糧。攜帶軍械等項。前往協助。官役工食。○道光元年議准。雲南省添設丈山縣。江那縣丞。門子一名。阜隸四名。民壯四名。馬夫一名。歲支工食銀六十兩。○又議准。奉天府昌圖廳新設照磨。官役工食銀。民壯四名。二十四兩。門子一名。六兩。馬夫一名。六兩。阜隸四名。二十四兩。遞文馬快二名。並草料銀三十三兩。

六錢。○四年議准。湖北省德安守禦所千總。改

為衛守備。門快等役十三名。工食銀七十八兩。

○五年議准。直隸省改設宣化縣化稍巡檢。懷

安縣柴溝堡巡檢。多倫諾爾白岔巡檢。官役工

食銀。門子各一名。弓兵各六名。馬夫各一名。阜

隸各二名。每名六兩。盧遷巡檢。弓兵八名。每名

六兩。更夫二名。每名四兩八錢。餘與各巡檢同。

易州分駐上陳州同。阜隸四名。餘俱與巡檢同。

以上役食。白岔巡檢。赴司請領。在地糧項下支銷。盧遷巡檢。在盧龍縣地糧項下留支。餘俱在

地糧項下留支。各役工食。遇閏。○又議准。雲南加給銀五錢。馬夫加給銀四錢。

省改設大姚縣。直卻巡檢。阜隸二名。弓兵四名。額支工食銀六兩。○六年奏准。湖南省永順府古丈坪督捕同知。改為撫民同知。添設阜隸四名。捕役八名。禁卒四名。步快八名。庫子一名。件作一名。每名歲支工食銀六兩。○八年議准。直隸省宣化縣。添設禁卒六名。歲支工食銀三十六兩。在司庫地糧銀內。按季給發。歸留支項下奏銷。○十年覆准。安徽省潁州府驛口橋同知。移駐艾亭集地方。作為撫民總捕同知。酌添捕役十六名。民壯十六名。工食銀各六兩。民壯修

械銀各二兩。同原設民壯二十名。工食修械銀兩。於藩庫餘丁項下請領。○又覆准。安徽省阜陽縣捕兵六名。件作一名。仍在該縣原額內支領工食。毋庸另給。○又覆准。安徽省宿州添設時村集巡檢。阜隸二名。門子一名。弓兵六名。工食銀各六兩。均於藩庫地丁正耗銀內。分別支領。○又奏准。裁汰安徽省鳳陽府司獄。其阜隸二名。工食銀十二兩。仍歸原編之鳳陽縣徵解藩司充餉。○十三年奏准。廣西省思恩府經歷改為平樂縣縣丞。門子一名。阜隸四名。馬夫一



名。各歲支銀六兩。遇閏加增。造入奏銷冊內。報部查覈。○十四年覆准。南河山盱廳通判。改為同知。各役工食銀一百三十三兩二錢八分四釐。海安廳撫民同知。改為通判。各役並鋪兵工食銀二百五十四兩五錢八分二釐。仍照原缺銀數支給。○十五年覆准。江蘇省江都縣芒稻舖。舖官改為海阜廳八灘司巡檢。弓兵八名。歲支工食銀四十八兩。○又覆准。四川省瀘州直隸州州判。移紮九姓地方。原設督捕房典吏一名。書識一名。門子一名。馬夫一名。快役四名。阜

隸四名。每名歲給工食銀六兩。共銀七十二兩。  
件作二名。每名歲給工食銀三兩。共銀六兩。移  
歸九姓鄉供役。均於瀘州地丁項下留支。又原  
設刑房典吏一名。書識一名。移紮九姓鄉供役。  
仍毋庸支給工食。其原設鹽茶房典吏一名。鹽  
書一名。批驗所巡役十名。每名歲給工食銀六  
兩。撥歸瀘州供役。○又議准。四川省會理州苦  
竹壩巡檢。移紮窪烏場地方。原設攢典一名。門  
子一名。卓隸一名。弓兵六名。一併帶往供役。又  
添設刑書一名。向無工食。件作一名。歲給工食

銀六兩。弓兵二名。每名歲給工食銀八兩。同原  
設弓兵六名工食。於該州地丁項下留支。又抽  
撥鹽源縣鋪兵二名。每名歲給工食銀六兩。遇  
閏加增。由該縣於地丁銀內扣留。批解臬司衙  
門給發。○二十五年覆准。浙江省甯波府。裁汰  
司獄。每年減銷役食。有閏年銀十三兩。無閏年  
銀十二兩。○二十八年覆准。廣西省全州西延  
州同。添設壯勇二十名。工食銀兩。在緝捕經費  
項下支銷。○二十九年議准。河南省歸河通判。  
裁併商虞廳管理。每年役夫工食銀一百三十

二兩。遇閏加銀十一兩。在地丁耗羨各奏銷冊內。分析造報查覈。○咸豐三年奏准。山西省鋪兵工食銀一萬六千三百餘兩。有驛各廳州縣裁減十分之八。工食銀八千三百餘兩。無驛各廳州縣。裁減十分之六。工食銀三千五百四十餘兩。仍留工食銀四千四百六十餘兩。作為通省馬遞驛遞工料飯食之需。每歲節省銀兩。造入季冊候撥。○四年奏准。四川省額設鋪兵工食銀二萬四千七十八兩。遇閏加增。有驛各廳州縣。裁減工食十分之八。無驛各廳州縣。裁減

工食十分之六。共計節省銀一萬六千六百三十四兩零。仍留工食銀七千四百四十三兩零。作為通省馬遞役遞工料飯食之需。每歲節省銀兩。造入季冊候撥。○又奏准。貴州省額設鋪夫工食銀一萬八百餘兩。裁減衝路鋪夫工食銀三千四百五十餘兩。僻路鋪夫工食銀三千六百五十餘兩。仍留工食銀三千六百餘兩。以資夫役飯食之需。每歲節省銀七千一百餘兩。造入季冊候撥。○五年覆准。裁汰山西省平陽府同知一員。減銷門子二名。工食銀十二兩。快

手八名。四十八兩。阜隸十二名。七十二兩。轎夫四名。二十四兩。織扇夫三名。十八兩。其減銷銀兩。於該省地耗冊內報覈。○七年奏准。湖北省額支鋪司兵工食銀一萬九千八百三十三兩零。有驛州縣。裁減八成。銀一萬八百八十八兩零。留支二成。銀二千七百二十二兩零。無驛州縣。裁減六成。銀三千七百三十三兩零。留支四成。銀二千四百八十九兩零。共裁減銀一萬四千六百二十二兩零。仍留工食銀五千二百一十一兩零。其減銷銀兩。題報入冊候撥。○同治

三年覆准。裁撤河南省蘭儀儀雖雖甯商虞曹  
考曹河曹單七廳汛員。停給役食銀兩。以交却  
之日為止。將截止月日。於各奏銷冊內造報。○  
四年奏准。山西省薩拉齊理事通判。改為理事  
同知。加增門子一名。快手二名。皂隸六名。繖扇  
夫三名。件作一名。每名歲給工食銀六兩。所加  
工銀。在裁汰平陽府同知等缺節省銀內撥補。  
○五年覆准。安徽省安廬道。額設書吏八名。飯  
食銀兩。由各屬照章隨時解給。快手十六名。皂  
隸十名。門子二名。轎繖夫七名。每名歲給銀六

兩。○又議准。安徽省鳳廬潁道。改為鳳潁道。原編工食銀兩。內除撥歸安廬道外。計不敷役食銀一百二十二兩六錢三分三釐。在鳳陽縣地丁正項銀內撥解。○六年定。安徽省添設渦陽縣知縣員缺。門子二名。皂隸十六名。轎織夫七名。禁卒八名。每名歲給工食銀六兩。馬快八名。每名歲給工食並草料銀一十六兩八錢。民壯三十四名。每名歲給工食銀六兩。器械銀二兩。典史門子一名。皂隸四名。每名歲給工食銀六兩。均於渦陽縣應徵地丁正耗銀內。分別動支。



○八年覆准江甯布政司庫大使添設門子一名馬夫一名每名歲給工食銀六兩按年入奏銷案內造報○九年奏准廣東省新會等縣裁減鋪兵一百一十一名每年裁減工食銀六百六十六兩按年提解藩庫歸入備支經費款內造冊報撥尚存鋪兵二千三十一名每年支銀一萬二千一百八十九兩○又覆准改廣東省瓊州海防同知為赤溪直隸同知歲支夫役民壯工食等項銀四百五十兩除瓊州海防同知原有額支各役工食銀一百七十四兩又抽撥

臨高樂會二縣民壯工食銀一百二十兩外。每年增銀一百五十六兩。在備支經費項內動給。○十一年題准。江蘇省南匯縣縣丞。改駐泥城地方。作為分防縣丞。添設弓兵三十三名。每名歲給工食銀五兩三錢三分。遇閏加給銀一十四兩六錢五分七釐。在地丁項下作正開銷。○又覆准。甘肅省設立化平川廳通判員缺。門子二名。皂隸二名。捕快八名。民壯二十名。斗級二名。輜織扇夫七名。禁卒四名。庫子二名。鐘鼓夫一名。鋪司二十名。每名歲給工食銀六兩。照磨

門子一名。阜隸二名。每名歲給工食銀六兩。訓導齊夫一名。歲給工食銀十二兩。門斗二名。每名歲給工食銀七兩二錢。膳夫一名。歲給工食銀六兩。均在該廳徵解地丁銀內動支。

欽定大清會典事例卷二百六十五

戶部

蠲恤

賜復一

賜復○順治元年定京城遭明末寇賊蹂躪之後遷徙之家免賦役三年房舍被毀者免一年大兵經由地方田禾被踐者免本年租稅之半河北府州縣衛租賦屯糧免本年三分之一○二年定山西省地方初復免本年田稅之半○三年覆准江南省各府漕米折價於

恩詔外再免三分之一江陰漕白二糧亦如之潛山太

湖。英山。霍山等四縣。盡予蠲免。○五年覆准。湖廣省岳州等處大兵經過。附郭錢糧免半。餘免三分之一。衡永等處大兵駐紮頗久。辰靖等處殘破。附郭免十分之七。餘免半。○十一年。豁免順治六七兩年直省積欠在民之地丁本折錢糧。○十三年。豁免順治八九兩年直省積欠在民之地丁本折錢糧。○又題准。蠲荒流抵。恐民間不得實惠。令百姓親填布政使司原簿。以禁濫徵。○十八年覆准。江南省之江都。如皋。海州。三州縣。修理烽墩馬路。各免一年差徭。○康熙

元年議准。江西省南昌府之甯州。今改義甯州。及南

昌新建豐城進賢奉新靖安等六縣。浮米折銀

十九萬五千一百二十二兩。浮本色米十四萬

九千一百三十一石各有奇。悉予豁免。○三年。

蠲免各省順治十五年以前民欠各項銀米藥

材紬絹布疋等項錢糧。○四年。蠲免順治十六

十七十八等年各項民欠錢糧。○八年議准。陝

西省平涼臨洮鞏昌三府所屬各州縣田賦。積

欠銀七萬八千三百餘兩。糧十六萬三千餘石。

概予豁免。○十年。

聖駕巡幸。經歷通州以東至山海關。地丁錢糧。蠲免一年。○十九年覆准。江南省財賦繁多。舊欠追比累民。康熙十二年以前錢糧。均予蠲免。○二十三年。

恩詔。江南江西浙江湖廣等省。自用兵以來。供應繁苦。宜加恩恤。二十四年所運漕糧。著免三分之一。自十三年起。至二十二年積欠漕項錢糧。著自康熙二十三年起。每年帶徵一年。○二十四年。

諭。河南湖北康熙二十五年錢糧。蠲免一半。其二十四年錢糧全免。直隸江南被災地方。二十四年下半年。

二十五年上半年錢糧均予豁免○二十五年

諭直隸順永保河四府四川貴州二省康熙二十六年地丁各項錢糧及二十四年未完錢糧湖南福建兩省二十六年下半年二十七年上半年地丁各項錢糧及二十五年未完錢糧盡行蠲免○又

諭直隸正順廣大四府康熙二十六年地丁各項錢糧一例蠲免○二十六年

恩詔自用兵以來一應動用錢糧累年未清者概行豁免○又

諭除漕項錢糧外江蘇陝西省康熙二十七年應徵地



丁各項錢糧均著蠲免。二十六年未完錢糧亦悉予豁免。○二十七年蠲免江南安徽各府屬二十六年地丁漕糧。○又

諭康熙十七年以前民欠漕項銀及米麥均著蠲免。○

又

諭朕南巡至江南境上所經宿遷諸處民生風景較前次南巡稍加富庶。朕念江南積年帶徵錢糧恐為民累。出京時曾詢戶部知全省積欠約有二百二十萬。除江南正項錢糧已與直隸各省節次蠲免外。再將江南全省積年民欠地丁一應錢糧屯糧蘆課米麥

豆雜稅。概予蠲除。○又

諭雲南百姓。供億王師。運送勞瘁。著將二十一年至二十七年所欠屯賦銀及米麥等項。盡行蠲免。○二十九年。蠲免山東省本年地丁錢糧。○三十年題准。江西省南昌等五府。自二十二年起至二十七年止。累年積欠分年帶徵錢糧。免其追徵。○又蠲免湖南省三十一年漕糧。○又蠲免江西省吉水縣二十七年以前民欠地丁銀。○又

諭朕撫御區宇三十年以來。夙夜圖維。惟以愛育蒼生。俾咸臻安阜為念。比歲各省額徵錢糧。業已次第蠲

裕。其歲運漕米。向來未經議免。朕時切軫懷。所有京  
通各倉米穀。搏節支給。數載於茲。今觀近年儲積之  
粟。恰足供用。應將起運漕糧。逐省蠲免。以紓民力。除  
河南省明歲漕糧已頒諭免徵外。湖廣江西浙江江  
蘇安徽山東應輸漕米。自康熙三十一年為始。以次  
各蠲一年。至江甯京口杭州荊州大兵駐防地方。亦  
應豫行積貯。將康熙三十一年起運三十年漕米。各  
截留十萬石。存貯倉廩。以備需用。○三十一年。豁免  
廣東省化州瓊山等四州縣自十八年至二十  
九年民欠錢糧。○三十二年

諭朕念廣西四川貴州雲南四省皆屬邊地土壤磽瘠民生艱苦與腹內舟車輻輳得以廣資生計者不同。厥時切軫懷數歲以來屢施恩澤廣西省康熙十六年通省錢糧。十七十八年民欠錢糧。貴州省二十二年秋冬及二十三年春夏地丁錢糧。又貴州四川二省二十五年未完及二十六年應徵錢糧。雲南省二十七年以前屯地積欠錢糧。皆經次第蠲豁。茲念育民之道無如寬賦。矧邊省地方非再沛優恤之恩則閭閻無由充裕。所有康熙三十三年四省應徵地丁銀米著通行蠲免。○三十三年蠲免江蘇省邳州二

十四年至二十七年積欠租銀。○又蠲免直隸省安州等十一州縣康熙三十四年地丁錢糧。○三十四年

恩詔。凡應追賠贓私。如果家產盡絕。力不能完者。准予豁免。○又蠲免河南省三十二三四等年民欠錢糧。

○三十五年

諭。漕項累年積欠。及帶徵未完銀米。均著豁免。○又諭。直隸宣化府。比年以來。大兵供億。殊勞民力。著將三十六年地丁銀米。全予豁免。○又

諭。比年以來。軍前需用馬匹。在大同府屬牧養者甚多。

措辦芻豆等項。雖皆支用帑項。而供億浩繁。殊勞民力。康熙三十六年。大同府屬州縣衛所。應徵地丁銀米。著全予豁免。○又覆准陝西省地方。大兵往來。供應勞苦。三十六年。全省地丁。並草折銀。悉行蠲免。○又蠲免浙江省台州衛所未完三十二年存留銀。○三十六年

論。比年出師討寇。大兵牧養馬匹。及三次師行出入。皆經山西地方。沿邊各州縣衛所。其餘諸郡。雖非師旅所經。亦有協辦轉輸行齎居送之事。又該省屢歲不登。民間生計艱難。著將康熙三十七年山西通省地

丁銀米一概蠲免。

諭。比年以來。因額魯特噶爾丹狂逞逆命。遣發大兵分道進剿。軍興供億。不得已而煩民力。甘肅所屬各州縣衛所。榆林等處沿邊各州縣衛所。適當師行要道。其牧養軍前需用馬匹。並大兵往來經過各項措辦。雖皆支給正帑。而供應繁多。閭閻勞苦。朕心深用軫念。著將康熙三十六年甘肅巡撫所屬州縣衛所。陝西巡撫所屬榆林等沿邊州縣衛所地丁銀米。盡行蠲免。行文各該撫徧加曉諭。務俾小民均霑實惠。稱朕體恤黎元至意。甘肅所屬銀米既經全免。需用錢

糧著於鄰近省分作速撥給。○又蠲免江南省蘇松等府州屬康熙十八年至二十六年民欠正雜錢糧。○三十八年。

聖駕南巡駐蹕浙江。將三十四五六年奏銷未完民欠地丁錢糧米豆麥雜稅一概免徵。○又

諭江蘇安徽所屬舊欠帶徵錢糧計及百萬。念小民方供新稅。復急舊逋。物力維艱。勢難兼辦。今除康熙三十三年恩詔內已經赦免外。其三十四五六等年奏銷未完民欠地丁錢糧米麥豆雜稅著戶部行文該督撫查明。悉免徵收。○又



諭朕巡省民生風俗。南至江浙。茲已返蹕。行經山東。沿途見父老諮詢農事。幸今歲雨暘時若。二麥繼登。小民可以無憂粒食。但前年被災泰安等二十七州縣。生計尚未豐盈。宜更加恩休養。所有康熙三十六年未完地丁銀米。均著免徵。其三十七年應徵錢糧。原因災傷。令三十八年完納。今念一歲之內。並輸兩歲之租。恐物力艱難。未能兼辦。著分作三年帶徵。以示寬恤。○又奉

旨。直隸薊州所欠未完康熙三十三三十一三十二等年退地租銀。均著免追。○又蠲免江南省淮揚三十場

竈戶康熙三十七八兩年應徵鹽課。○又蠲免湖廣全省康熙三十九年地丁銀。○又蠲免甘肅省康熙四十一年地丁錢糧。○四十年。蠲免安徽省康熙四十二年地丁銀。○又

諭秦省不通水運。河西一帶地方。素稱貧瘠。雖免四十年錢糧。民生未裕。再將四十二年地丁錢糧。通行蠲免。○四十二年。蠲免山東省泰安鄆城等七州縣四十一年未完錢糧。○又

諭山東全省康熙四十三年地丁銀米。著通行蠲免。有累年錢糧積欠在民者。亦著查明免徵。○又

諭江南徐州睢甯縣康熙三十七三十八三十九三年未完地丁錢糧悉著免徵邳州四十年未完錢糧亦著免徵。○是年。

聖駕巡幸山西免康熙四十一年民欠銀米。○又蠲免河南省民欠銀米並康熙四十三年地丁漕糧。○又蠲免雲南貴州廣西四川四省康熙四十四年應徵地丁各項錢糧。○四十四年蠲免山東省康熙四十四年地丁銀。○又豁免浙江省康熙四十四年應徵地丁錢糧。○四十四年

諭直隸各省每歲應輸額賦有以次第蠲者有頻蠲數

年者。有將帶徵積欠。暫令停徵者。凡以蠲除額賦。專為小民樂業遂生。曩年楚省錢糧。雖屢行豁免。但今已閱數載。宋經特蠲。應將該省額賦全免一年。以示朕加恩優渥之至意。湖北湖南康熙四十五年除漕糧漕項外。其餘地丁銀米。一概免徵。舊欠未完者。並停輸納。○又

諭嗣後蠲免新年錢糧時。若令將累年未完錢糧蠲免。則一併蠲免。若止令將新年錢糧蠲免。並無將舊欠錢糧一併蠲免之旨。則蠲免新糧之年。停徵舊欠。俟次年再照常徵輸。○四十五年

諭直隸山東地方。雖屢收穫。民氣漸舒。而所有宿逋。尚應輸納。朕念黎元。方有起色。辦賦猶難。一時新舊並徵。勢難兼應。宜更加寬恤。以宏休養。直隸自康熙四十一年至四十三年。各府屬未完民欠銀八萬二千七百兩有奇。糧五千九百石有奇。山東自康熙四十二年。各府屬未完民欠銀一百六十九萬千七百兩有奇。糧五千九百石有奇。或現在徵取。或分年帶徵。著通行蠲免。俾小民實除逋負之累。償應徵舊欠。有先完納在官者。即准抵本年正賦。○又

諭直隸各省錢糧。次第全蠲一年者。業經數舉。獨是屢

歲逋負。積累加增。舊稅新徵。勢難兼辦。縱使分年帶輸。仍多拮据。直隸山東積欠錢糧。今年皆已蠲免。其山西陝西甘肅江蘇安徽江西浙江湖北湖南廣東各省。自康熙四十三年以前。未完地丁銀二百十有二萬二千七百兩有奇。糧十萬五千七百石有奇。著按數通行蠲免。或舊欠已完在官。而現年錢糧未完足者。亦准扣抵。○四十七年。蠲免江南省四十八年地丁銀。○四十九年

諭。朕比來省方時邁。已閱七省。南北人民風俗及日用生計。靡不周知。而民所以未盡殷阜者。良由承平既

久。戶口日繁。地不加增。產不加益。食用不給。理有必然。朕洞燭此隱。時深軫念。爰不靳敷仁。用甦民力。明年為康熙五十年。原欲將天下錢糧。一概蠲免。因廷臣集議。恐各處兵餉撥解之際。兵民驛遞。益致煩苦。細加籌畫。悉以奏聞。故自明年始。於三年以內。通免一周。俾遠近均霑惠澤。直隸奉天福建浙江廣東廣西四川雲南貴州各巡撫及府尹所屬。除漕項錢糧外。五十年應徵地畝銀共七百二十二萬六千一百兩有奇。均予豁免。並累年舊欠共一百十有八萬五千四百兩有奇。亦均著免徵。其五十一年五十二年

應蠲省分。至期候旨行。○又蠲免江南省淮揚徐三屬淮徐泰三衛地丁銀。○又題請江蘇省所屬府州縣無著銀。將俸工等項捐賠補還。奉

旨。此無著銀。乃朕南巡時地方官公用。不敢聲明。但前任官挪用虧空之項。著落後任官賠補。必致科斂。擾害百姓。朕知之甚悉。心殊不忍。此無著銀十萬八千有奇。免其賠補。以示朕軫念官民至意。○又蠲免湖廣省康熙三十一年地丁銀。暨四十八九兩年民欠銀。○又蠲免

盛京奉錦所屬各州縣地丁銀。其承德等州縣康



熙五十年應徵米豆亦一例蠲免。○又

諭福建臺灣府屬康熙五十年應徵穀已經徵完在官雖蠲免與小民無益其應徵五十一年穀著行蠲免。

○又

諭朕宵旰孜孜勤求民瘼永惟惠下實政無如除賦蠲租除每歲直省報聞偶有水旱災傷照輕重分數蠲免正供仍加賑恤外將天下地丁錢糧自康熙五十年為始三年之內全免一周使率土黎庶普被恩膏除將直隸奉天浙江福建廣東廣西四川雲南貴州及山西河南陝西甘肅湖北湖南各直省康熙五十

年五十一年地丁錢糧一概蠲免。累年舊欠錢糧一併免徵外。所有江蘇安徽江西山東各撫屬除漕項外。康熙五十二年應徵地畝銀共八百八十二萬九千六百四十四兩有奇。人丁銀共一百三萬五千三百二十五兩有奇。悉予豁免。其累年舊欠銀二百四十八萬三千八百二十八兩有奇。著一併免徵。計三年之內。總免過天下地畝人丁新徵舊欠共銀三千八百有六萬四千六百九十七兩有奇。各督撫務須實心奉行。體朕軫念民生至意。○又

諭陝西潼關衛山西大同府所屬康熙五十一年應徵

米豆芻草既已徵完。今雖蠲免亦無益於小民。著將明年應徵者蠲免。○又蠲免陝西省各屬地丁並累年民欠銀。○五十二年

恩詔。天下地丁錢糧既沛恩澤。於三年內悉予豁免。其自京城及各省房地租稅多係貧民賃做官地棲身營業宜並蠲免。以覃恩惠。著查明京城內及直省每年地租額數。於康熙五十三年豁免一年。其積年逋欠若干。一併查明免其追補。○又蠲免山西河南兩省地丁銀。○又蠲免陝西省西安府等屬錢糧。○又奉

旨會甯等處今歲錢糧著補行豁免。○五十四年蠲免直隸省順天永平保定河間宣化五府五十五年地丁銀米豆穀草束。○五十五年

諭策妄阿喇布坦近忽侵擾哈密故特徵兵備邊一應飛芻輓粟悉支正供毫無累及閭閻猶念兵民效力轉輸無誤特將沿邊一帶運糧地方自山西大同府屬前衛右衛大同懷仁馬邑朔保德等七州縣衛直至陝西延安府屬府谷神木等共四十二州縣衛所堡康熙五十六年額徵銀八萬六千一百兩有奇糧米豆穀三十一萬七千七百石有奇草二千七十六

萬五千九百束有奇。通行蠲免。並將從前積欠逋欠銀兩草豆。悉予蠲免。○又蠲免直隸省地丁銀米芻草。○五十六年

諭。朕撫馭寰宇五十餘年。各省正賦。屢經全免。累年積欠。亦已蠲微。近者民力雖已稍舒。然念分年帶徵之銀。若不格外優寬。則小民一歲所獲。分納二年之賦。以其贏餘養贍室家。斷難充足。朕每懷及此。軫惻良深。宜更加殊恩。通行豁免。今將直隸江蘇安徽江西浙江湖廣西安甘肅等八省帶徵屯衛銀二百三十萬八千三百八十兩有奇。概免徵收。其漕項雖例

不准免。亦著破格施恩。將江蘇安徽所屬帶徵漕項銀四十九萬五千一百餘兩。米麥豆十有四萬六千六百十有餘石內。免徵各半。○又

諭項者。朕巡幸口外。經過三河等州縣及永平府交界地方。見今歲秋成豐稔。米價稱平。惟是去年雨水過溢。田畝閒被淹沒。朕深加軫恤。蠲賦平糶。轉漕分賑。貧民使不至失所。今者雖復有年。然僅足支一歲之用。恐來年之輸將。尚多難繼。是必再沛恩膏。始可大培民力。著將順天永平兩府屬大興宛平通三河密雲薊州遵化順義懷柔昌平寶坻平谷豐潤玉田良

鄉涿武清永清香河霸大城文安房山保定延慶盧  
龍遷安樂亭灤撫甯昌黎等州縣。山海梁城等衛所。  
康熙五十六年地丁銀二十六萬四千三百餘兩。米  
豆高粱二萬一千六百餘石。草九萬四千九百餘束。  
通行蠲免。所有累年積欠銀九萬三百九十餘兩。米  
豆高粱萬六千二百餘石。草八萬四千四百餘束。亦  
並予蠲除。○又

諭大兵屯駐西邊。一切軍興徵繕。皆動支正供帑項。不  
使累及閭閻。而轉輸輓運。陝西百姓勉力急公。勞苦  
實堪憫恤。又莊浪等處地震。隨經遣部院堂官星馳

前往拯濟。而用兵之後。宜格外加恩。用綏黎庶。將陝西巡撫甘肅巡撫所屬各府州縣衛所錢糧。除米豆草束外。其康熙五十八年應徵地丁銀一百八十八萬三千五百兩有奇。並累年積欠銀四萬七百兩。著一概蠲免。○又蠲免甘肅省康熙五十三四五六等年舊欠銀米草豆。○五十九年

諭沿邊數處師旅屯駐。一切雖皆支用正帑。而協辦轉輸行齋居送之事。民力勞瘁。曾將陝西甘肅巡撫所屬康熙五十八年額徵地丁銀一百八十八萬餘兩。累年舊欠銀四萬餘兩。悉行蠲免。而沿邊各州縣衛



所軍行既多飛輓之勞。辦賦復滋催科之擾。若非格外加恩。黎民恐致失業。所有沿邊一帶陝西延安府屬府谷神木等六十八州縣衛所堡。康熙五十九年應徵銀米豆草。悉宜蠲免。但目今係有軍務之時。除米豆草外。將五十九年額徵銀九萬八千一百兩有奇。盡行蠲免。○又

諭。邇年因西陲用兵。師行糧從。雖芻束悉支正供。絲毫無擾民間。然轉輸必須民力。勞苦宜恤。曾將康熙五十八年陝西甘肅所屬額徵地丁銀一百八十八萬餘兩。並累年舊欠銀四萬餘兩。康熙五十九年沿邊

各州縣衛所額徵銀九萬八千一百餘兩。陝、沛、恩、綸。屢行蠲免。近聞二年歉收。民有艱於粒食者。辦賦急公。力何能支。著將陝西巡撫甘肅巡撫所屬各州縣衛所除應徵米豆草外。康熙六十年應徵地丁銀一百八十八萬三千七百四十四兩有奇。通行蠲免。○又蠲免直隸省延慶等五州縣米豆穀雜糧。○又蠲免臺灣府屬康熙五十七年額徵民番銀二萬一千二百兩有奇。粟十三萬八千九百石有奇。○六十年十二月

諭古北口一路為我

皇考每年行幸之地。北路百姓效力有年。今將宛平順義懷柔密雲平谷五縣昌平一州。雍正元年應徵正項錢糧一萬四千三百八十兩。盡行豁免。○又

論

陵寢一路。此時正當修道之際。亦宜軫恤。今將大興三河二縣。通薊遵化三州。雍正元年應徵正項錢糧一萬三千三百兩有奇。亦盡行豁免。○雍正元年覆准宛平等十一州縣地丁房租核桃榛栗等項。除已蠲銀二萬七千七百兩有奇。其未蠲銀二萬一千七百餘兩。一併蠲免。○又

諭江蘇等屬康熙三十三年以前未完民屯地丁等項錢糧一百三十一萬餘兩內蘆課等項銀九萬八百兩有奇。雖非恩詔內應豁免之項。但此事閱年最久。儻行催徵窮民必致受累。著一併盡行豁免。○又

諭江蘇等屬康熙三十四年以後積年民欠錢糧七百二十九萬六千餘兩外蘆課等項銀十有九萬二千七百餘兩。雖不應蠲免。但此事閱年最久。若行催徵窮民必致苦累。著一併豁免。○又

諭江蘇蘇太等衛積年未完屯折銀二萬四百餘兩內存留俸工銀一千二百餘兩。雖不應豁免。但此事年

久既稱實係挖欠在軍。著一併豁免。○又

諭江蘇等屬四十七年以後民欠三百五萬九千餘兩。內地租等項銀六千八百餘兩。雖不應豁免。但此事年久實欠在民。著一併豁免。○又

諭陝西自軍興以來。大兵駐紮。運送糧餉。供支草豆。無一不需民力。原非他省可比。所有康熙六十年以前陝西借給籽種。著該督撫查明定議。分年帶徵外。其餘凡有民屯衛所實在未完銀米豆草。悉予蠲免。○

又

諭恩詔議免各省錢糧。部議舊欠銀米應准蠲免者。自

康熙十八年至四十五年止。著加恩將五十年以前舊欠銀米等項均查明豁免。○又議准四十五年以前積年民欠銀一千六百二十餘兩。米麥一千九百餘石。一併蠲免。○又覆准廣東省海康、遂溪二縣。於雍正元年八月內海潮湧溢。田地鹹氣未消。三年之後方可耕種。其雍正二年未完地丁銀悉予蠲免。○又議准直隸省霸州等七州縣未完銀三萬七千七百二十六兩有奇。均蠲免一半。○又蠲免湖北省咸甯、蒲圻等縣衛本年錢糧。○六年蠲免直隸省七年分起運銀

四十一萬七千八百餘兩。○又

諭免福建省康熙五十五年起至雍正四年民欠地丁銀三十三萬八千三百餘兩。其有已徵在官者。即照數留抵。雍正七年本戶正賦。○七年

諭浙省為財賦重地。民力輸將。朕所軫念。今浙省自雍正二年以前未完舊欠。以及六年未完錢糧。士庶踴躍輸將。實為浙省風俗稱慶。著將雍正七年額徵地丁屯餉錢糧。蠲免十分之二。共計六十萬兩。著該督徧行宣諭。○又

諭西藏苗疆。皆已寧謐。朕心嘉慰。著將雍正八年甘肅

四川廣西雲南貴州額徵地丁銀悉行蠲免。其西安地方亦有備辦軍需之事。地丁銀蠲免十分之三。至應徵耗羨。凡遇特恩蠲免錢糧者。其耗羨仍行輸納。若因水旱蠲免者。不得徵收耗羨。將此永著為例。○

又

諭朕前見四川崇慶州士民好義急公。是以格外加恩蠲除正賦。今見撫臣陳奏。知瀘州里民有背運軍餉之劬勞。又有樂助倉儲之忱悃。著照崇慶州之例。將瀘州雍正七年額徵錢糧全行豁免。其已徵在官者。准抵八年額賦。○又覆准蠲免錢糧。將所免分數。仍



刊串票。填寫某戶免銀若干。付花戶收執。○又覆准。山西省蔚州。既改入直隸。所有雍正七年應蠲銀兩。即照直隸省州縣分數蠲免。○又

諭。山東廣東二省。雍正八年地丁。各免四十萬兩。直隸陝西已各蠲四十萬兩。雍正八年。著再各免四十萬兩。山西安徽亦著各免四十萬兩。○又

諭。國家經費既敷。宜藏富於民。朕特降旨蠲免已多。今次第舉行。應及於江西湖北湖南三省。著將雍正九年應徵錢糧。各蠲免四十萬兩。直隸乃畿輔首善之地。應沛殊恩。山東今歲被水之州縣稍多。朕心深為

軫念。著將九年直隸山東通省錢糧。各蠲免四十萬兩。○又

諭。甘肅地方。雍正八年地丁錢糧。已降旨蠲免。其河西四府州縣及各衛所額徵糧草。又經免徵。朕念新歸內地番民。願附版圖。其地畝額徵本色糧草。與河西等處亦應一例蠲除。著將雍正八年河東之河州廳洮州衛歸德所。河西之西甯府屬涼州府屬。一應番民糧草。悉加恩蠲免。○又覆准。蠲免四川省明正土司折徵貢銀。○又

諭。甘肅地方。年來備辦軍需。百姓輓輸效力勤勞。著將

河東河西各屬民戶屯戶及番民等。雍正十年應徵各項銀糧芻草。一概蠲免。若已經完納者。准作來年正賦。○又

諭甘肅所屬。本年應徵地丁銀二十七萬九千三百餘兩。仍行豁免。○又

諭雲南元江普洱兩府。猺夷蠢動。夫役頻煩之後。恐小民輸將。力有不逮。著將元普兩府。雍正十一年分額徵條銀並公件銀。悉行蠲免。○十三年

諭湖南接近黔疆。雇募夫役赴黔運餉者。多係沅州之民。除已降旨加增價值。用示恩恤外。朕念沅民急公

倍於他處。著將沅州今年地丁錢糧全行蠲免。若有已徵在官者。准抵明年應徵額賦。○是年九月

諭直省錢糧。於恩詔蠲免外。將雍正十二年以前實在民欠者。一併寬免。從前江南積欠錢糧內有官侵吏蝕二項。從民欠中分出者。亦著照民欠例寬免。○又奉

旨。

皇考山陵。正在興工之時。由京城至易州經過地方。如大興宛平良鄉涿房山涿水易等州縣。凡修道應差諸事。不免資於民力。朕心軫念。著將該州縣乾隆元

年應徵錢糧。加恩蠲免。○十二月

諭朕加惠元元。將雍正十二年以前各省民欠錢糧。悉行寬免。誠以民為邦本。治天下之道。莫先於愛民。愛民之道。以減賦蠲租為首務也。惟是輸納錢糧。多由業戶。則蠲免之典。大概業戶邀恩者居多。無業貧民。終歲勤動。按產輸糧。未被國家之恩澤。尚非公溥之義。若欲照所蠲之數。履畝除租。繩以官法。則勢有不能。徒滋紛擾。然業戶受朕惠者。苟十損其五。以分惠佃戶。亦未為不可。近聞江南已有向義樂輸之業戶。情願蠲免佃戶之租者。閭閻興仁讓之風。朕實嘉悅。

其令所在有司善為勸諭各業戶。酌量寬減佃戶之租。不必限定分數。使耕作貧民。有餘糧以贍妻子。若有素封業戶。能善體此意。加惠佃戶者。則酌量獎賞之。其不願者聽之。亦不得勉強從事。此非捐修公項之比。有司當善體朕意。虛心開導。以興仁讓而均惠澤。若彼刁頑佃戶。藉此觀望遷延。仍治以抗租之罪。朕視天下業戶。佃戶皆吾赤子。恩欲其均也。業戶需朕之恩。佃戶又得拜業戶之惠。則君民一心。彼此體恤。以人和感召。

天和。行見風雨以時。屢豐可慶矣。○又

諭直隸州縣有旗退地畝及入官地畝由地方官徵收租項閱年既久挖欠頗多向雖不在恩詔蠲免之內然租銀與地丁名色不同其為民欠則一著將雍正十二年以前旗退地畝租銀租糧及入官地畝租銀租糧一併加恩豁免○又豁免甘肅省雍正十二年以前舊欠本色糧草○又

諭四川口外番部輸誠急公良可嘉憫著將明正沈冷各土司所屬一年雜糧折徵銀並貢馬銀及口外新附各處認納折徵銀該撫查明確數通行豁免○又諭四川建昌松潘所屬涼山會川鹽源阿樹木坪各土

番等。本年米折條銀。以及本色雜糧貢馬等項。著通行豁免。再普安。安阜。酉陽等處。現在建造城垣。皆資民力。所有本年應納貢賦。亦概行豁免。○又議准。陝西。甘肅兩省。均有輓運軍需之事。而甘肅尤屬總匯之區。准將乾隆元年甘肅額徵地丁錢糧。全行豁免。陝西額徵地丁錢糧。蠲免一半。